

四庫全書

經部

欽定四庫全書

史部 職官類 政書類 目錄類 史評類
簡明目錄卷八

檢討臣 翁樹培覆勘

協勘官候補洗馬 臣劉權之
謄錄拔貢生 臣陳以沆

欽定四庫全書簡明目錄卷八

吏部十二

職官類

唐六典三十卷

唐元宗明皇帝御撰者林甫奉勅註其書以三師三公三省九寺五監十二衛列其職司官佐叙其品秩以擬周禮凡念式皆分入六司其沿革則附見於注中書在唐代不能事事遵用而討論典章亦時相引據亦如後來之或從律或從例爾

翰林志一卷

唐李肇撰唐時翰林雖初為藝術者待詔之地然明皇置待詔供奉已與集賢學士分掌制詔迨改置學士以後遂專為儒官之職肇此書作於元和十四年於一代詞臣職掌最為詳備

麟臺故事五卷

宋程俱撰原本久佚今從永樂大典錄出所述皆北宋詞林典故凡十二門

翰苑羣書十二卷

宋洪遵編上卷曰李肇翰林志元稹承旨學士院記韋處厚翰林學士記韋執誼翰林院故事楊鉅夫翰林學士院舊規丁居晦重修承旨學士院壁記李昉禁林宴會集下卷為蘇易簡續翰林志蘇者次續翰林志學士年表翰苑題名併遵所撰翰苑遺事共十一種皆詞林故事也

南宋館閣錄十卷續錄十卷

館閣錄宋陳騷撰續錄則不知誰所作原本殘闕
今從永樂大典補完惟陳錄沿革一門續錄廩祿
一門永樂大典亦佚之則其來久矣二書皆用麟
臺故事之例分十二門陳錄所記自建炎元年至
淳熙四年續錄所記自淳熙五年至咸淳五年

玉堂雜紀三卷

宋周必大撰宋代以掌制為重任必大兩入翰苑
自權直院至學士承旨皆徧歷之因錄鑿坡典制
沿革及宣召奏對之事輯為此書

宋宰輔編年錄二十卷

宋徐自明撰皆叙宋世宰輔拜罷宋制以中書樞密為二府皆宰輔之職故自平章事參知政事樞密使知樞密院事同知僉書樞密院事皆著其名位詳其始末編年系日起建隆戊午迄於嘉定丁亥

秘書監志十一卷

元王士點商企翁同撰所載自至元以來迄於至正凡秘書建置遷除典章故事一一具備畧仿南宋館閣錄之體其兼載司天監及職官題名兼及直長令史則元制如是也

翰林記二十卷

明黃佐撰所錄明一代翰林掌故自洪武以至嘉靖每事各有標目凡二百二十六條

禮部志稿一百十卷

明泰昌元年官撰實上海生員俞汝楫所修也首
訓諭次建置次職掌次歷官表次奏疏次列傳次
事例首尾淹貫頗有條理

太常續考八卷

不著撰人名氏考書中年月蓋明崇禎中作雖多
錄案牘之文而於沿革損益之由名物度數之細
一一鏤載多明會典明集禮之所未及

土官底簿二卷

不著撰人名氏所載皆明正德以前土司官爵世
系則其書當作於嘉隆間

謹案土司之目舊史不詳惟明史始自為列傳其分益在內臣外臣之間然生必受勅沒必請襲既受王爵即屬王臣與外藩之奉正朔通職貢而自君其國者事勢迥殊故不入地理類外紀之屬而附諸官制

詞林典故八卷

乾隆九年重修翰林院落成

聖駕臨幸

賜宴賦詩掌院學士鄂爾泰等因請纂此書首臨幸盛典以誌緣起次官制職掌恩遇藝文儀式廡署

皆上溯前代終以題名則惟紀國朝諸臣而前代之久遠無徵者悉不錄焉

欽定國子監志六十二卷

乾隆四十三年戶部尚書梁國治等奉
勅撰先是監臣輯有太學志然太學因元明舊制而後
據唐宋以前故實殊失限斷乃
詔重為刪定勒成此編凡一十五門

欽定歷代職官表六十卷

乾隆四十五年奉
勅撰每一曹司為一表悉以

國朝官制為綱而歷代官制列於下表後詳述建置
亦以

國朝居前歷代列後凡今有而古無古有而今無與
名同而實異實同而名異者並一一引據舊文詳
為考證

右職官類官制之屬十五部三百二卷

州縣提綱四卷

不著撰人名氏文淵閣書目作宋陳稟者誤也原本久佚今從永樂大典錄出皆論救令馭民之道於釐姦剔弊縷述頗詳其推本於正己省身尤為知要

官箴一卷

宋呂本中撰篇帙無多而語皆明切其首揭清慎勤三字千古言吏治者莫之易也

百官箴六卷

宋許月卿撰仿揚雄官箴分曹列職各申規戒

畫簾緒論一卷

宋胡太初撰端平乙未其外舅陶某出宰香溪太初因論次居官之道以貽之凡十五篇亦州縣提綱之類

三事忠告四卷

元張養浩撰牧民忠告二卷養浩為縣令時所作凡十二子曰風憲忠告一卷養浩為御史時所作凡十篇廟堂忠告一卷養浩入中書時所作亦十篇皆留心實政抒其閔厯之所得

御定人臣做心錄一卷

順治十二年

勅撰以大臣譚泰石漢陳名夏等先後以驕怙伏誅乃

命王永吉編纂此書以示炯戒凡八篇凡一切植黨沽名營私舞弊

之術一一扶摘其隱微昭揭其情狀如九金鑄鼎
畢肖魑魅之形

訓誠周詳足以使千古姦諛無所施其伎倆

右職官類官箴之屬六部十七卷

史部十三

政書類

通典二百卷

唐杜佑撰其書因劉秩政典而廣之分食貨選舉
職官禮樂兵刑州郡邊防八門上溯黃虞下暨唐
之天寶包括宏富義例嚴整繁不至冗簡不至漏
為數典之淵海通志通考皆以是書為藍本精博

則終不逮也

唐會要一百卷

宋王溥撰唐蘇冕嘗次高祖至德宗之事為會要四十卷楊紹復等又採德宗至宣宗之事續為四十卷溥因二家原本補輯宣宗至唐末之事以此書凡分目五百十四舊本殘缺其四卷別本有補亡四卷不知誰作今併錄以備參考而各註補字於標目之下使不相淆焉

五代會要三十卷

宋王溥撰五代倣擾百度淪亡其法度典章僅見於各朝實錄溥因檢尋舊籍條分併繫以成是編後歐陽修作五代史惟務刻畫春秋鉤摹史記於累朝掌故屏棄蕩然幸此編尚存其崖畧也

宋朝事實二十卷

宋李攸撰。案宋志作李攸。通文獻通考作李似均。傳寫之誤。原本久佚。今從永樂大典錄出。僅闕十卷。其書輯北宋一代典制分門編錄。蓋亦會要之類。多宋史所未詳。

建炎以來朝野雜記四十卷

宋李心傳撰。取南渡以後事迹分門編類。亦畧如會要之體。分甲乙二集。各十三門。蓋所作繫年要錄備紀傳之取材。此則備表志之取材。王士禛居易錄稱其大綱細目粲然具舉。非虛美也。

西漢會要七十卷

宋徐天麟撰。取漢書所載典章制度見於紀傳表志者三百六十七事以類相從。分十五門編載。略

與唐會要相似其無可錄者亦依蘇冕舊例以雜錄枯之頗為淹貫惟所采止於漢書未免稍隘耳

東漢會要四十卷

宋徐天麟撰凡三百八十四事門目與西漢會要同惟西漢會要但錄事迹此書則間有論斷為例小殊

漢制考四卷

宋王應麟撰因漢書續漢書諸志於制度多舉大端略於細目因採鄭氏三禮註及說文諸書以補其遺又孔賈諸疏於鄭註某物即今某物者多不能詳解亦一一博考諸書疏通證明頗為賅洽

文獻通考三百四十八卷

元馬端臨撰因杜佑通典而廣之以通典八門折為一十有九而增以經籍帝系封建象緯物異五門共為二十四門所述事迹上承通典下迄南宋寧宗雖分條排纂不能如通典之剪裁鎔鑄成一
家言然上比杜佑不足下比鄭樵有餘也

明會典一百八十卷

明宏治十年徐溥等奉勅撰正德四年李東陽等重校其體例以六部為綱弁以宗人府一卷自二卷至一百六十三卷皆六部掌故一百六十四卷至一百七十八卷為諸文職末二卷為諸武職特附見其職守沿革而已

七國考十四卷

明董說撰採掇戰國制度分十四門畧如會要之體援引諸書以相佐證上雄雲擾策士縱橫諸書但述戰攻之迹未有彙次其典章者說撫拾殘剩而為之亦足資考證

欽定大清會典一百卷

乾隆二十六年奉

勅撰初修於康熙三十三年再修於雍正五年至是三年經考訂踵事加詳凡一切大經大法無不臚載宏細細目條理秩然允足凌誇周官不但超軼唐典也

欽定大清會典則例一百八十卷

乾隆二十六年與會典同修舊本會典以則例散附諸條下至是稟承

聖訓分為兩編觀於會典可知法守之常經恭以則例可知變通之大用互相經緯而百餘年之因革損益源委燦如

欽定續文獻通考二百五十二卷

乾隆十二年奉

勅撰乾隆三十七年告成輯宋遼金元明五朝事迹續馬端臨之書初議於馬氏二十四門外增朔閩河渠六書氏族四門嗣於乾隆三十二年詔修五朝續通志以無庸複見遂報此四門仍從馬氏之舊曰

欽定皇朝文獻通考二百六十六卷

乾隆十二年奉

勅撰初與五朝文獻通考共為一書嗣以體例互異奏

請別以
皇朝標目各自為編初亦用二十四門舊目嗣以

宗廟考

中附載諸祀於義未安
詔分立羣廟考一門以符禮制故列為二十五門

欽定續通典一百五十卷

乾隆三十二年奉

勅撰門目體例一仍杜佑之舊惟杜佑以兵附刑此析

為二而篇第則仍相次其纂言記事則唐天寶以

後取材於通志文獻通考而有所增益宋嘉定以

後取材於

欽定續文獻通考而有所剪裁蓋馮鄭據私家之本所

見者狹今書據

天府之藏所徵者廣也

欽定皇朝通典一百卷

乾隆三十二年奉

勅撰門目體例與五朝通典同而重熙累洽

列聖相承制作詳明典章賅備我

皇振興百度修舉六官

駿業鴻猷尤上超三古是以鈿金匱之舊文臚

丹繪之

新詁良法美意縷述莫殫分類而登簡牘者文章彪炳
迥非前代所能及焉

欽定皇朝通志一百卷

乾隆三十二年奉

勅撰二十畧之目一仍鄭樵原書至於六書之備西域

七音之增三合天文彈歐羅巴之微地理括伊犁
河之外禮本乎官繪之圖樂本乎

御定之律藝文圖譜稽

中禁之秘歲草木蟲魚羅遐方之珍產則鄭樵所未

及聞也

謹案鄭樵通志入別史

欽定續通志亦入別史均以兼有紀傳故也
皇朝通志惟有二十畧則名為通志實與通典通考為

類故恭錄於政書之中

元朝典故編年考十卷

國朝孫承澤撰是書取元代事迹分年編次正史以外雜取文集說部附益之尺補托克托等記載之疎後二卷一為元朝秘史一為遼金遺事則附錄也

右政書類通制之屬十九部二千二百九十八卷

謹案纂述掌故門目多端其以一代之書而設六職之全者不可分屬今總而匯之謂之

通制

漢官舊儀一卷補遺一卷

漢衛宏撰原本久佚今從永樂大典錄出所記皆西漢典禮本曰漢舊儀後來輒轉傳寫與應劭漢官儀混淆為一遂妄增官宇於書名中非其舊也

大唐開元禮一百五十卷

唐蕭嵩等奉勅撰首為序例三卷次以五禮分類而退凶禮於第五用貞觀顯慶舊制也杜佑嘗撰其精要三十五卷編入通典然始末完具節次詳明終以原書為賅備

諡法四卷

宋蘇洵撰乃洵修太常因革禮時奉勅所編取劉
熙等六家論法刪定考證除其糝雜凡所取者一
百六十八論三百十一條新改者二十三論新補
者十七條又有七去八類於舊文多所刊正

政和五禮新儀二百二十卷

宋鄭居中等奉勅撰原本散失凡佚者十九卷闕
者三卷前列御筆指揮次列御製冠禮蓋當時頒
此十卷為式故以弁首次以五禮分門其次序一
如開元禮而於官民之制特詳則較開元禮稍異

紹熙州縣釋奠儀圖一卷

舊本題宋朱熹撰考朱子於是書凡三屬稿此為
紹興五年最後之定本首以官牒次釋奠儀注次
禮器圖至今尚大槩沿用之惟所列兩廡從祀有
呂祖謙張栻朱子已不及見或後人有所附益歟

大金集禮四十卷

金明昌六年禮部尚書張暉等奏進其書分類排纂條理秩然金史諸志皆以此書為藍本而托克托等援引潦草往往失其本意存此一書足以見金源一代之掌故並可訂史志之訛

大金德運圖說一卷

金貞祐二年尚書省集議之案牘也金初用金德色尚白泰和二年更用土德至是更令所司集議言應為土德者四人應為金德者十四人迄無定論而罷其集議之文則尚存永樂大典中經睿鑒折中祛疑除妄式昭千古之常經謹併錄其書為附會識緯之戒焉

謹案五運本術數家言以其服色政令關乎一朝之典禮故附之儀制門中

廟學典禮六卷

不著撰人名氏原本久佚今從永樂大典錄出所載始於元太宗丁酉終於成宗大德間蓋元人錄記也其書雜鈔案牘未經文士之潤色故詞多質朴然於一代廟學之制敘述特詳多可以補史闕

明集禮五十三卷

明洪武三年徐一夔等奉勅撰原本五十三卷靖中重修增為五十三卷以五禮為綱分二十六子目而別出冠服車輅儀仗鹵簿字學鐘律雅樂俗樂各自為類

類宮禮樂疏十卷

明李之藻撰首列類宮儀注次名物器數共為八卷第九卷為啟聖祠名宦鄉賢詞第十卷附載鄉

飲酒禮卿射禮頗為詳備其樂譜尤具有心解不
同勦說

明臣諡彙考二卷

明鮑應鰲撰首載各諡釋義所列某臣諡某皆分
註當日取於某義使後人具知其所以然較他家
特有根據最後考異一篇亦極詳核

明諡記彙編二十五卷

明郭良翰撰以諸諡分類編載各分子目與鮑應
鰲書詳畧互見

明宮史五卷

舊本題蘆山赤隱呂恂校次蓋明季宦官也所紀
皆宮闈雜事詞義頗為猥鄙其稱司禮監掌印秉

筆秩尊視元輔權重視總憲尤為悖妄
特詔錄存著明代亂亡之源以為萬世之殷鑒也

辛魯盛典四十卷

康熙二十三年

聖駕東謁

闕里行聖公孔毓圻等恭述典禮輯成是編進呈蒙
訓示改定刊刻凡事迹二十卷藝文二十卷

禹壽盛典一百二十卷

康熙五十二年

內廷諸臣所編凡六目曰

宸藻曰

聖德曰典禮曰

恩賚曰慶祝歌頌備述華祝嵩呼之盛傳留冊府震耀古

今冠以繪圖二卷摹寫精工尤足見溥洽驩心之象

欽定大清通禮五十卷

乾隆元年奉

勅撰越二十一年告成五禮之次悉本周官首紀

廟大典及

欽頌儀注其餘條分縷析各以類從所重在等威之崇
卑節文之次第至於禮器則不具詳以別有成書故也

皇朝禮器圖式二十八卷

乾隆二十四年奉

勅撰三十一年重修凡六門曰祭器曰儀器曰冠服曰
樂器曰鹵簿曰武備並繪圖於右繫說於左形模
度數不失毫釐蓋敬遵

昭代典章據器為圖集圖成帙與聶崇義等所修揣
摩影響者迥不侔云

國朝宮史三十六卷

乾隆七年奉

勅撰二十六年增修首

訓

諭次典禮次宮殿次經費次官制次書籍凡

禁闡制度皆一一臚載伏考古籍自周禮內政見於

天官以外未有以紫霄丹地之掌故別為一編者

昭代矣

欽定滿洲祭神祭天典禮六卷

乾隆四十二年奉

勅撰所錄皆

國家肇造以來舊制相沿之祀典凡祭期祭品儀注
祝詞一一詳載其間口耳相傳或小有異同者並

神明崇報功德之至意焉

加釐定用昭敬事

南巡盛典

萬壽盛典

歷代建元考十卷

國朝鍾淵映撰以年號相同者列前次以年號分韻
排編次列歷朝帝王及僭偽諸國始末頗為詳悉
謹案是書考論帝王之建號事近於史然建
元改元為國家之大典故列之於儀制

北郊配位議一卷

國朝毛奇齡撰康熙二十四年禮官請定

北郊

既位奇齡時官檢討因作此議申明以東為上之義

廟制圖考一卷

國朝萬斯同撰其書統會經史考定廟制由秦漢以迄元明各為之圖而綴以說義例頗有條理雖大旨尊王黜鄭持論不能無偏要不可謂非通今博古之學也

右政書類儀制之屬二十三部九百六十四卷

謹案六官之序始於冢宰然職官已各自為類故不復及其次應及司徒而今先以春官所掌者帝制朝章於是乎在取以託始尊王之義也

救荒活民書三卷

宋董煟撰是書縷陳陳荒政上卷考古以證今中卷條陳救荒之策下卷述宋代名臣賢士之所議論設施可為法戒者在南宋人著述之中最切於實用勝理氣心性之空談

熬波圖一卷

元陳椿撰是書乃元統中椿為下砂場監司因前提幹舊圖而補成者也自各團竈座至起運散監為圖四十有七圖各有說復繫以詩凡曬灰打滴之方運薪試運之細纖悉畢具惟原缺五圖此無別本不可復補

錢通三十二卷

明胡我琨撰專論明代錢法而因及於古制分十三門

捕蝗考一卷

國朝陳芳生撰首捕蝗事宜十條次前代捕蝗之法
條分縷析頗為詳備

荒政叢書十卷

國朝俞森編所輯古人救荒之法於宋取董煟於明
取林希元屠隆周孔教鍾化民劉世家於

國朝取魏禧凡七家之言附以常平義倉社倉三考
其官河南時所撰末附鄆襄賑濟事宜及捕蝗集
要其官湖廣時所撰也

康濟錄六卷

國朝倪國璉撰因陸曾禹之舊本而刪存精要凡分
四門一曰前代救荒之典二曰先事之政三曰臨

事之政四曰事之之政又附錄四事於荒政頗為周備乾隆四年恭錄

呈蒙進

特賜此名

右政書類邦計之屬六部五十二卷

歷代兵制八卷

宋陳傅良撰其書上溯成周卿遂之法下迄於宋而於宋事指陳利病言之尤詳蓋為南渡以後冗軍驕卒言也

補漢兵志一卷

宋錢文子撰北宋懲五代之弊收天下之兵於京師禁軍多至八十萬南渡以後招募彌多冗費彌甚文子以漢代去古未遠猶有寓兵於農之意因採漢書中言及兵志者裒為一編附以論斷

謹案文子此書雖稱班固未作兵志以此補之然實為宋事立議非為漢書補亡陳元粹序甚明與熊方之補後漢書表貌同心異故不附正史而入此

馬政紀十二卷

明楊時喬撰馬政莫詳於明亦莫契於明時喬此書上溯洪武下迄萬厯分十三門於利病言之最詳足為鑒戒

欽定八旗通志二百五十卷

勅

撰

乾隆四年告成

凡志之日八表之日八傳之日八以

兵志為根柢而一切典章爵秩人物藝文皆條分
臚載體例極為詳悉乾隆五十一年又奉
勅續輯益為賅備

右政書類軍政之屬四部二百七十一卷

唐律疏義三十卷

唐長孫無忌等奉勅撰自李悝叔法經六篇歷代
遞有增損而大致相沿貞觀中詔房元齡等刪定
舊文是為唐律十二目依隋之舊高宗初年又詔
無忌等撰為義疏多所發明考古律之源流者莫
詳於此

大清律例四十七卷

乾隆五年大學士三泰等奉

勅撰凡律目一卷諸圖一卷服制一卷名例三卷六曹

律三十四卷總類七卷比引律條一卷蓋因

三朝舊本而斟酌損益增入新例一千餘條以協於世輕

世重之精義明刑弼教之中寓因事制宜之用焉

右政書類法令之屬二部七十七卷

謹案法令與法家其事相近而實不同法家者私議其理法令者官著為律也刑為盛世所不廢而亦盛世所不尚今載唐律疏義見輕世重之源流併恭錄

欽定大清律例以昭

聖代之法守其餘雜帙則率存其目焉

營造法式三十四卷

宋李誠奉勅撰原本顛舛失次今從永樂大典校正是書初修於熙寧中哲宗又詔誠重修據所作總看詳中稱總釋總例共二卷制度十五卷功限十卷料例併功作等共三卷圖樣六卷目錄一卷當為三十六卷此本無所佚脫而止三十四卷似為後人所併其書共三百五十七篇內四十九篇皆根據經史講求古法餘三百八篇則自來工師所傳也

欽定武英殿聚珍版程式一卷

乾隆三十八年

詔甄擇四庫全書善本刊刻流布侍郎金簡請以活字印行蒙

賜名曰聚珍版金簡因綜述其法編此書奏

進凡為圖十有六為說十有九視王禎農書所載法
小變而用彌捷

右政書類考工之屬二部三十五卷

謹案司空所掌河渠為大然其事與地形相
表裏因勢制宜非可勒為成法故修濬之政
別入地理至於百工之事率皆藝術亦不足
以稱令典故今惟錄其司於官者而他不及焉

史部十四

目錄類

崇文總目十二卷

宋王堯臣等奉勅撰舊本供其解題今從永樂大
典補輯其書以四庫分編所錄凡三萬六百六十

九卷篇帙既多抵牾難保諸家時有糾正鄭樵通志至專作校讐畧攻之亦有切中其失者然平心而論終在樵所作藝文畧上十倍也

郡齋讀書志四卷後志二卷考異一卷附志二卷

讀書志宋晁公武撰續志亦公武所撰趙希弁重編考異附志則希弁所撰也讀書志後志所錄皆至南渡而止附志則兼及慶元以後三志並以經史子集分部各有解題為歲書家所依據惟此本所載與文獻通考所引多異同蓋當時傳刻亦非一本也

遂初堂書目一卷

宋尤袤撰一名益齋書目所分四部與趙家小有出入而不甚相遠惟一書兼載數本則體例獨異

諸書但皆有書名不作解題蓋從鄭樵之說然併
卷數及撰人名氏刪之未免太畧或傳寫者佚脫
歟

子畧四卷目錄一卷

宋高似孫撰卷首冠以目錄由漢志隋志唐志度
仲容子鈔馬總意林至鄭樵通志藝文畧所載諸
子皆存其書名而削其門目畧註卷數撰人於下
其下四卷則似孫所論斷凡三十八家雖品題未
必盡允然皆實觀其書非鄭樵焦竑輩輾轉販鬻
徒見書名者比也

直齋書錄解題二十二卷

宋陳振孫撰原本久佚今從永樂大典錄出其書
以歷代典籍分為五十三類而不立經史子集之

名然核其次第實仍以四部為先後也其解題與
晁氏相類馬端臨作經籍考以讀書志及此編為
藍本則其典確可知矣

漢藝文志考證十卷

宋王應麟撰漢書藝文志間有班固自註然不甚
詳顏師古注間有附論亦僅辨證其數條不能賅
備應麟始摭拾舊文為之補註不載漢志全文惟
以有考訂者摘錄為綱畧如經典釋文之例持論
皆有根據惟古書不載於漢志者增入二十六種
真偽相雜頗為蛇足

文淵閣書目四卷

明楊士奇撰所錄諸書以千字文編號自天字至
住字凡二十號但有冊數而無卷數自七畧以至

崇文總目記載中秘之書未有如是之潦草者特以所列書名尚足以考證存佚姑存以見一代儲藏之畧而已

授經圖二十卷

明朱睦㮮撰其書因章俊卿山堂考索所述傳經宗派多所訛闕乃重為補輯首授經世系次諸儒列傳次諸儒著述歷代經解名目卷數每經四卷舊無刊本康熙中黃虞稷龔翔麟始為校刻然虞稷等頗窳亂舊文多失睦㮮本意

欽定天祿琳琅書目十卷

乾隆九年

詔編

內廷秘笈為天祿琳琅乾隆四十年重為補輯定著
此目以經史子集為綱書則以宋金元明刊版朝
代為次其一書而載數本用遂初堂書目例詳具
題跋姓名收藏印記兼用鐵網珊瑚例至各
御題品評甲乙則自來冊府儲藏未聞斯盛矣

千頃堂書目三十二卷

國朝黃虞稷撰所錄皆明一代之書頗為賅備惟每
類之末各附錄宋金元人著述既多挂漏又不上
溯五代首前莫詳其義例之所在

經義考三百卷

國朝朱彝尊撰統考歷代經義之目以

御註

勅撰諸書別為一卷并於首次以諸經分類而附以誌緯
擬經承師刊石書壁鏤版著錄通說八門每經先
註以或存或闕或佚或未見次載原序跋及諸家
論斷彛尊有所考證亦附著之網羅宏富為古來
諸家書目所未及雖間有誤要不傷其大體也

右目錄類經籍之屬十一部四百三十三卷

謹案隋志以下皆以法書名畫列入目錄今
以書畫改隸藝術俾各從其類惟記載金石
者無類可歸仍從古例入目錄然別為子目
不使與經籍相淆蓋目錄本為經籍設金石
其附庸也

集古錄十卷

宋歐陽修撰修集錄金石之文多至千卷其中有跋尾者錄之成帙其所考證雖不及洪适諸人而亦時有所得其文多所改竄故真蹟集本互有異同書中兩本並存恭觀其點定之意亦頗有裨於文章

金石錄三十卷

宋趙明誠撰所錄古碑凡二千卷以時代先後編為目錄十卷各注年月撰書人名後二十卷為跋尾五百二篇蓋有所辨證乃有題識猶集古錄之例或以為不完之本則誤矣

法帖刊誤二卷

宋黃伯思撰初米芾取淳化閣帖一一辨其真偽載於書史多據筆迹斷定罕所考證伯思病其疎

畧乃重為補正以成此書

法帖釋文十卷

宋劉次莊撰次莊以淳化閣帖摹刻於臨江併各刻釋文於字旁改名戲魚堂帖後人錄其釋文別為此帙雖草書變化多方毫釐疑似不能一一盡確然初始之功亦不可沒焉

籀史一卷

宋程耆年撰原本二卷今佚其下卷其書採錄金石遺文各為論說不專收籀書惟以籀史為名者諸體之中籀為最古舉以括其餘爾

隸釋二十七卷

宋洪适撰前十九卷以所藏漢碑一百八十九皆錄其全文於假借通用之字並一一疏通證明其中有關史事者亦一一辨訂同異於字學史學均為有補非徒供賞鑒之資後八卷則彙載諸家碑目也

隸續二十一卷

宋洪适撰蓋隸釋刻成之後以續得諸碑補其所遺體例與隸釋相同淳熙辛丑嘗與隸釋合為一編其本不傳傳者仍各行之本然殘闕失次佚其九卷十卷而以碑圖三卷碑式一卷攬列於四卷之後十一卷之前考适別有隸圖或後人得其殘本合為一書也

絳帖平六卷

宋姜夔撰原本二十卷今佚其十四卷初潘師旦摹刻淳化閣帖後絳州公庫得其石刻之半補刻足之名曰絳帖夔一一詳為考辨取漢官廷尉平之意名之曰平援據精博出米黃二家評論閣帖之上書雖殘缺要為書家津筏也

石刻鋪叙二卷

宋曾宏父撰案宏父之名偶與曾淳之字同朱彛尊跋以為即曾淳者誤其書叙次石經以後及秘閣諸帖而於所自集鳳墅帖議論尤詳凡所徵引具有典據

法帖譜系二卷

宋曹士冕撰皆述宋代法帖源流首為譜系圖上卷錄淳化閣帖以下凡二十二本下卷錄絳州潘

師旦摹刻閣帖以下凡十四本大抵以閣帖為大宗絳帖為別子其餘皆其支裔也每條叙述摹刻始末及異同工拙頗為詳悉

蘭亭考十二卷

宋桑世昌撰高似孫刑定世昌書考論蘭亭帖原委本十五篇似孫為汰去集字附見二篇於文句亦多減縮陳振孫書錄解題謂其多失世昌之意然世昌書已不傳存此一編於禊帖始末尚足見梗槩也

蘭亭續考二卷

宋俞松撰其書繼桑世昌蘭亭考而作故名曰續然體例迥異上卷載諸家所藏及松所自藏下卷

則皆松所藏經李心傳題識者所錄諸跋亦足與
桑氏書相補苴也

寶刻叢編二十卷

宋陳思撰所列古碑之目以元豐九域志京府州
縣為綱其石刻地里可考者按各路編纂無可考
者附於末兼採諸家辨證之語具著於下原本輒
轉傳寫已顛倒訛脫今具為釐正其亡佚之六卷
殘闕之兩卷則無從校補矣

輿地碑目四卷

宋王象之撰象之有輿地紀勝二百卷今未見其
本不知存佚此即其中碑目四卷也大致與陳思
寶刻叢編體例相類但陳書用北宋輿圖此用南
宋輿圖陳書集諸家題跋此多自為考證耳

寶刻類編八卷

不著撰人名氏以書中筠州稱瑞州知為宋理宗以後人原本久佚今從永樂大典錄出惟闕唐元宗至代宗三朝碑目無可校補其書敘述古碑上起周秦下迄五代取書撰之人分為八類以人名為綱而以所書所撰之碑系之於下詮次頗有條理

古刻叢鈔一卷

明陶宗儀編所錄碑刻凡七十二種皆全載原文以原額為題無所考辨亦無先後次序蓋隨得隨鈔之本尚未成書然所錄多諸書所未載

名蹟錄六卷附錄一卷

明朱珪編舊本題元人誤也珪工於刻石因衷其生平所鑄以成是書原本傳寫多佚脫今亦姑仍其舊

吳中金石新編八卷

明陳曄撰曄於宏治中官蕪州通判因與祝允明等採郡中石刻分為七類編次成書皆載原文以漢唐舊蹟考古者記錄已多故以明初為斷頗為未廣然所取多有關利病於頌德諛墓之作一字不載也

金薤琳琅二十卷

明都穆撰仿洪适隸釋之例取金石文字蒐輯編次各為辨證惟适書止漢魏此下及隋唐為小異

於古碑皆錄原文其剝落不完者則取隸釋以補之不盡據石本也

法帖釋文考異十卷

明顧從義撰取淳化閣帖釋文舊本一一核其異同訂其訛舛手自繕寫而刊之雖考證未必全當其用心亦可謂勤矣

金石林時地考二卷

明趙均撰取諸家碑目及近代新出古刻耳目所及者仿陳思寶刻叢編王象之輿地碑目之例叙次朝代以考其時臚列郡縣以考其地故謂之時地考明季去今尚近郡縣改併未多視陳思等所言較為可據

石墨鐫華六卷附錄二卷

明趙岫撰岫癖嗜古碑搜求頗夥是書凡跋尾二百五十三種以有石無金故取劉勰文心雕龍語名之所收不及歐趙兩家之博而多兩家所未見又多親至碑所審視榻摹所見亦較兩家為確附錄二卷乃其詢訪古碑之時所作游記及詩亦足以見其求索之勤也

金石史二卷

明郭宗昌撰宗昌與趙岫皆隸籍關中地多古刻同以搜輯石本為事而宗昌好持高論故是書所錄僅五十種然其辨別真偽亦具有心得

欽定校正淳化閣帖釋文十卷

乾隆三十四年於
秘府所儲閣帖擇淳化四年賜畢士安之本為初搨

第一者

命內廷諸臣校定刻石釐正其標題之訛刊改其音釋
之誤辨証精密為米芾以下諸家所未嘗有侍郎
金簡因恭錄其中案語釋文以聚珍版印行仍從
原帖目次為十卷

求古錄一卷

國朝顧炎武撰皆搜索古碑手自繕寫凡已見方志
者不錄見其榻本者不錄近代文集尚存者不錄
上自漢曹全碑下至明建文霍山碑凡得五十五
種並詳考源委辨證音釋多可以補史傳之闕

金石文字記六卷

國朝顧炎武撰所錄金石之文凡三百餘種各綴以跋無跋者亦具列年月姓名自序謂抉剔史傳發揮經典頗有歐陽趙氏二錄之所未具者今核其書實非夸語蓋炎武平生之學深于史也

顧氏石經考一卷

國朝顧炎武撰叙述石經本末頗有端緒於漢魏兩代一字三字之分後漢書儒林傳叙述舛訛者援引諸說祛除疑竇尤足決聚訟之是非

萬氏石經考一卷

國朝萬斯同撰因顧炎武石經考而採錄諸家之說以相證明炎武書詳於漢魏畧於唐宋此書則於唐宋特詳足以互相補苴

來齋金石考三卷

國朝林侗撰所錄古刻自三代以迄唐末凡二百二十碑皆據目見者為斷其辨證多取之顧炎武金石文字記而頗以已意考訂之皆有典據

嵩陽石刻集記二卷

國朝葉封撰乃其官登封知縣時輯錄境內古碑而作登封在嵩山之陽故以為名於諸碑皆錄原文如隸釋之例其辨訂亦頗博洽

觀妙齋金石文考畧十六卷

國朝李光映撰光映與朱彞尊同郡得彞尊家金石諸刻因彞集諸家辨論以成此編所采錄金石

之書凡四十種地志文集說部之類又六十種其用力亦云勤篤惟以品題書跡為主不以考證舊聞為主與趙洪諸家門徑又截然異耳

分隸偶存二卷

國朝萬經撰上卷首論作書法次作分隸法書次論分隸次論漢唐分隸異同次漢魏碑考下卷為古今分隸人名氏始於程邈終於明末馬如玉上卷所列古碑僅二十一種而論多詳核

淳化秘閣法帖考正十二卷

國朝王澐撰是書兼取米芾黃伯思顧從義三家辨證閣帖之意以史傳正訛誤以筆跡辨依託而行款標目以及釋文之類亦一一考核仍依原目為十卷其末二卷一為古今法帖考溯閣帖之源流

一則自述其筆法也

竹雲題跋四卷

國朝王澐撰皆其臨摹古帖之題跋裒合成編考辨援引多有依據非徒論筆法也

金石經眼錄一卷

國朝褚峻摹圖牛運震補說峻工於鐫刻以拓碑鬻帖為業是編皆以所親見之碑四十有七臨為縮本而自刊之點畫位置不失毫髮併剝蝕殘缺之處亦一一鈎摹畢肖自歐陽修集錄金石以來未有如是之工妙者

石經考異二卷

國朝杭世駿撰以補顧炎武石經考所未備上卷分十五篇下卷分三篇較炎武之說為更密繼事者易為功也大旨與萬斯同書相類而世駿乃未見斯同書故二家詳畧互見今亦並存云

右目錄類金石之屬三十六部二百七十六卷

謹案隋志以秦會稽刻石及諸石經入小學宋志則金石入目錄今以哀集古刻條列名目者從宋志入目錄其博古圖之類因器而及款識者別入譜錄石鼓文音釋之類從隋志入小學石經考蘭亭考之屬既非縷列諸名亦非考辨音訓無類可歸者亦姑從隋志入之此門

史部十五

史評類

史通二十卷

唐劉子元撰子元即劉知幾以字行也其書內篇論史家體例凡三十九篇今佚其三篇外篇述史籍源流與古人得失凡十三篇蓋子元官秘書監時與蕭至忠宗楚客爭論史事發憤而作故其詞往往過激至疑經惑古諸篇更幾于王充之刺孟問孔然子元熟悉史例其所駁詰雖馬班或不能自解故自唐以來史家奉若龜鑑焉

史通通釋二十卷

國朝浦起龍撰是書箋釋詳明於史通註中為善本惟好臆改舊文是其一失疑經惑古諸篇不加糾

正反助類瀾尤文人好異之習也

唐鑑二十四卷

宋范祖禹撰原本十二卷呂祖謙注之乃卷析為二其書摘唐事標題繫以論斷數陳剴切於法戒多所申明

唐史論斷三卷

宋孫甫撰甫嘗改劉昫唐書為編年中系論斷九十二篇後唐史散佚惟論斷以有別本得存朱子嘗稱其議論勝唐鑑今觀二書亦互有利鈍也

唐書直筆四卷

宋呂夏卿撰夏卿嘗預修唐書此其預局時所作
前二卷論紀傳志三卷論舊史繁文闕誤四卷為
新例須知即所擬發凡也宋初歐陽修不盡用其
說然宋史稱其於新唐書最有功世系諸表皆出
其手晁公武讀書志又載其別修唐書兵志三卷
云

通鑑問疑一卷

宋劉義仲編案宋史作義仲乃字之訛義仲劉恕
子也司馬光修資治通鑑以三國至隋屬恕編次
恕以作往返商確義仲因排纂成帙朱子通鑑綱
目點魏帝蜀講學家以為上繼春秋今觀此書則
恕已先持此論不但習鑿齒劉知幾也

三國雜事二卷

宋唐庚撰雜論三國之事凡三十六條瑕瑜參半

經幄管見四卷

宋曹彥約撰原本久佚今從永樂大典錄出案寶元二十二年始詔以三朝寶訓進講後講幄遂沿為故事是書即彥約進講三朝寶訓之語大抵旁及經史而歸之於法戒能不失啟沃之義

涉史隨筆一卷

宋葛洪撰凡二十六篇乃洪解官憂居時獻於時宰之作故所論皆古大臣之事

六朝通鑑博議十卷

宋李燾撰詳載三國六朝勝負攻守之迹而系以論斷蓋借史以論南渡時事也

大事記講義二十三卷

宋呂中撰臚列北宋九朝事迹而推論其治亂得失之由皆反覆開陳最為明暢

兩漢筆記十二卷

宋錢時撰皆評論漢史前數卷論頗苛刻類胡寅讀史管見後數卷乃漸近人情其謂井田封建必不可行識在南宋諸儒上

舊聞證誤四卷

宋李心傳撰原本久佚今從永樂大典錄出其書駁正宋代私史之訛皆前列原文後加考證心傳所作建炎以來繫年要錄於諸書訛異皆隨事辨定故此所辨者北宋之事為多或偶及南宋則補

要錄之遺也

通鑑答問五卷

宋玉應麟撰所論始周威烈王與通鑑相應終漢元帝則與通鑑不相應蓋未完之稿本又以通鑑答問為名而所論乃以尊崇綱目為主名實亦乖持論刻覈與應麟他書頗不類疑王厚孫託其祖名刊附玉海以大旨尚不詭於正姑以舊帖存之耳

歷代名賢確論一百卷

不著撰人名氏蓋即宋史藝文志所謂十七史名賢確論南宋人之所作明刻或題錢福撰者誤也其書雖坊刻程式之本而上起三王下迄五季諸家史論蒐採頗詳亦未嘗不可資參考

歷朝通畧四卷

元陳櫟撰其書論斷歷代興廢得失每一代為一篇伏義至五代僅二卷南北宋乃各占一卷蓋詳近而畧遠也

十七史纂古今通要十七卷

元胡一桂撰約括十七史事迹系以論斷其上起伏羲殆以司馬貞史記索隱有補三皇本紀也

學史十三卷

明邵寶撰取自周至元史事隨筆論斷詞義頗為簡括惟其以十二卷象十二月多一卷以象閏每卷或三十條或二十九條以象月之大小取日格一物之義則殊可不必耳

史糾六卷

明朱明鑄撰考訂諸史書法之謬及其事迹之牴牾上起三國志下迄元史元史不甚置可否自謂仿鄭樵通志不敢刪削唐書之例其晉書五代史亦闕而不論則不知為未成為佚脫也其言皆從鈎稽本史而來不似明人之裨販

御批通鑑綱目五十九卷通鑑綱目前編一卷外紀一卷

舉要三卷通鑑綱目續編二十七卷

康熙四十七年

聖祖仁皇帝御撰朱子約資治通鑑為綱目筆削義例多

擬春秋尹起莘劉友益等多所發揮而未得要領

心裁論定微旨乃明金履祥補其前商輅續其後亦皆竊
取朱子之意得邀

王鑒益有折衷

御製評鑑闡要十二卷

乾隆三十六年大學士劉統勳等錄初
勅撰通鑑輯覽其中筆削義例經

睿鑒指授者凡數千條此八百餘條又皆
親御丹毫昭垂衮鉞均非館臣所意及故統勳等別繕

成編併以

御製通鑑輯覽序文冠於卷首俾共知

聖主持衡大公至正用定千古是非之準而破儒生迂
謬之論焉

欽定古今儲貳金鑑六卷

乾隆四十八年

命

諸皇子率

內廷諸臣撰凡歷代冊立太子事迹三十三條又附

錄五傳各系以論斷著其釀象名變之由以示鑑

戒益見

睿慮深遠

法相承為萬世無弊之良規焉

右史評類二十三部三百七十九種



欽定四庫全書

臣等謹將
欽定四庫全書
目錄

檢討_臣翁樹培覆勘

協勘官編修_臣祝堃

謄錄拔貢生_臣王欽

欽定四庫全書簡明目錄卷九

子部一

儒家類

孔子家語十卷

魏王肅註家語雖名見漢志而書則久佚今本蓋即王肅所依託以攻馭鄭學馬昭諸儒已論之詳矣然肅雖作偽實亦割裂諸書所載孔子逸事綴輯成篇大義微言亦往往而在故編儒家之書者終以為首焉

荀子二十卷

周荀况撰唐楊侗註况亦孔氏之支流其書大旨
在勸學而其學主於修禮徒以怒人恃賢而廢學
故激為性惡之說受後儒之詬厲要其宗法聖人
誦說王道終以韓愈大醇小疵之評為定論也倕
註多明古義亦異於無稽之言

孔叢子三卷

舊本題陳勝博士孔鮒撰凡二十一篇末為連叢
子上下二篇題漢孔臧撰皆依託也然隋志著錄
其來已久且亦綴合孔氏之遺文故相沿莫之廢
焉

新語二卷

舊本題漢陸賈撰凡十二篇與漢書本傳合卷數
亦與隋志合惟道基篇末引穀梁傳則非賈所及

見蓋依託也然唐李善註文選所引已即此本其
大旨主於崇王黜霸而歸於修身用人持論亦不
悖於聖賢

新書十卷

漢賈誼撰原本五十八篇今佚其三篇多取漢書
誼本傳之文割裂章段顛倒次序而加以標題殊
昏亂無序疑舊本殘缺好事者取本傳所載離析
其文以足五十八篇之數不可謂真出誼手亦不
可謂非出誼手也

鹽鐵論十二卷

漢桓寬撰記始元六年郡國所舉賢良文學之士
與桑宏羊等議鹽鐵權貼事凡六十篇所論者食

貨之政而諸史皆列之儒家蓋古之儒者主於誦法先王以適實用不必言心言性而後謂之聞道也

說苑二十卷

漢劉向撰凡二十篇所錄皆春秋至漢初軼事可為法戒者雖傳聞異詞姓名時代或有牴牾要其大旨主於正統綱迪教化不失為儒者之言

新序十卷

漢劉向撰唐以前本皆三十卷宋以後本皆十卷蓋不知為合併為殘缺也與說苑體例相同大旨亦復相類其所以分為兩書之故莫之能詳中有一事而兩書異詞者蓋採摭羣書各據其所見既莫定其孰是寧傳疑而兩存也

法言集注十卷

漢揚雄撰宋司馬光集註舊本小序一篇在十三篇之末宋咸始散置卷首先亦仍之雄長楊諸賦文章殊絕訓纂諸書於小學亦深惟此書摹仿論語徒為貌似不知先何取而註之殆以尊聖人談王道持論猶近正歟

潛夫論十卷

漢王符撰凡三十五篇又叙錄一篇符遭逢亂世以耿介忤俗發憤著書然明達治體所敷陳多切中得失非迂儒矯激務為高論之比也

申鑒五卷

漢荀悅撰明黃省曾註後漢書荀淑傳稱獻帝時悅侍講禁中見政移曹氏志在厭替而謀無所用乃作中鑒五篇其所論辨通見政體今觀其政體時事二篇皆制治之要旨俗嫌一篇排斥讖緯雜言上下二篇剖析義理皆原本儒術之言省曾所註亦多得悅之本意

中論二卷

漢徐幹撰舊本題魏人是未考幹沒四年之後魏乃受禪也書凡二十篇大抵原本經訓指陳人事而歸於聖賢之道故前史皆列之儒家

傅子一卷

晉傅元撰原本一百三十篇宋代僅存二十三篇後遂散佚今從永樂大典重輯尚得十有二篇晉

書載王沉稱元所著書言富理濟經綸政體惟重
儒教此本雖殘闕之餘尚足見其梗概焉

中說十卷

舊本題隋王通撰核以事實多相抵牾蓋其子福
郊福時等所依託也書凡十篇字字句句皆刻畫
論語師弟亦互相標榜自比孔顏蓋自漢以來借
擬聖人自通始聚徒講學之風亦自通始錄之以
著儒風變古其所由來者漸也

帝範四卷

唐太宗文皇帝御撰蓋貞觀二十二年以賜太子
者也凡十二篇至宋已佚其半元吳萊稱泰定二
年復於雲南得全書然亦未見傳本今始從永樂
大典錄出舊有唐賈行註此本註引呂祖謙楊萬

里語則元人所補非唐人之舊也

續孟子二卷

唐林慎思撰凡十四篇大旨以孟子之書乃門人所記往往失其本意因推闡以作此書亦頗有所發明獨其不自立論而必假借姓名設為問對類乎莊列之寓言則又多生節目耳

伸蒙子三卷

唐林慎思撰伸蒙子者慎思以易林自筮得蒙之觀有伸蒙入觀之語因自號也凡槐里辨三篇叙天地人之事澤國紀三篇叙君臣民之事案凡字原本避諱作人今改正時喻二篇叙文武之事大旨醇正惟所設姓名如岸嶽洳道球砮耜耨成敗麤覽之類為奇不近理

素履子三卷

唐張弧撰凡十四篇唐書藝文志崇文總目皆不著錄鄭樵藝文畧始載之然不甚顯于世故宋濂作諸子辨亦未及之要其援引經典根據理義實儒家者流也

家範十卷

宋司馬光撰首列易家人卦及節錄諸經之語為之綱領以下分十九篇皆雜採史事可為法則者亦間附以論說與朱子小學體例小異而用意畧同

帝學八卷

宋范祖禹撰乃元祐初祖禹在經筵所進皆纂輯自古帝王及宋代祖宗典學事迹亦間附論斷由

伏義至唐僅二卷由宋太祖至神宗乃至六卷蓋
繼陳家法以勸繼述之意也

儒志編一卷

宋王開祖撰皆講學之語持論頗為篤實原序稱
舊無刊本明王循守温州始為搜訪遺文編為此
帙因當時有儒志先生之稱故以名書然宋史藝
文志實有王開祖儒志編一卷或散佚之後循又
重輯歟

謹案以上諸儒皆在濬洛未出以前其學主
於修己治人無所謂理氣心性之微妙也其
說不過誦法聖人未嘗別尊一先生號召天
下也中惟王通師弟私相標榜而亦尚無門
戶相攻之事今併錄之以見儒家之初軌焉

太極圖說述解一卷通書述解一卷西銘述解一卷

明曹端撰明代醇儒以端及胡居仁薛瑄為最端又聞二人之先是縮箋釋周子張子之書大抵抒所心得故其言簡而不支

張子全書十四卷附錄一卷

宋張載撰題曰全書乃止西銘一卷正蒙二卷經學理窟五卷易說三卷語錄鈔一卷文集鈔一卷拾遺一卷又附載行狀之類為一卷自西銘易說以外與宋志卷數皆不合實非全本然世所通行惟有此刻也

註解正蒙二卷

國朝李光地撰正蒙詞奧義隱註者多不得涯溪又多與程朱之說牴牾註者亦莫知所從光地此註

疏通證明多所開發於先儒異同之處尤能一一
別白是非

正蒙初義十七卷

國朝王植撰於性理大全所收正蒙諸註外旁採高
攀龍等五家註而互證以張子他書之說於張子
解經用註疏之處持論特平其謂張子自註惟十
四條餘皆誤引又謂十七篇為張子手定李光地
本多割裂亦頗能考核

二程遺書二十五卷附錄一卷

程子門人所記而朱子編次之其附錄一卷則行
狀之類也書成於乾道四年戊子文獻通考所載
卷數與此本同黃震日鈔所載卷數次第皆不合
殆傳寫非一本歟

二程外書十二卷

亦程子門人所記朱子又取他書所載程子語一百五十二條益之以補遺書所未備成於乾道九年癸巳以真偽錯雜故目曰外書

二程粹言二卷

宋楊時編乃其自洛歸閩時以二程子門人所記師說採撮編次分為十篇

公是先生弟子記四卷

宋劉敞撰曰弟子記者託詞於弟子所記也敞窮經學古介然自持是書所論於王安石之新學無所假借於程蘇二黨亦多所箴規其兩無所歸失援孤立亦坐此然人品則超然遠矣

節孝語錄一卷

宋徐積撰其解經多生異義頗似宋王氏新學然積篤行謹守宋史列之卓行傳實非附和時局者特好奇耳其推陳平揚雄而薄賈誼亦非公論然其他多篤實近理

儒言一卷

宋晁說之撰自晁迥以後晁氏之學皆雜禪惟此書為攻王安石新學而作持論皆深合儒理其間以安石講周禮而排周禮以安石尊孟子而抑孟子未免成見不融務與相反然其大旨終正也

童蒙訓三卷

宋呂本中撰乃其家塾訓課之本多正論格言務切實用於立身從政之道多有所裨

省心雜言一卷

宋李邦獻撰或曰林逋或曰尹焯或曰沈道原皆
誤也其書切近簡明不為高論而多足以範世勵
俗

上蔡語錄三卷

宋曾恬胡安國所錄謝良佐語朱子又為刪定之
良佐受業於程子而學乃雜禪故朱子芟蕪頗嚴
然為良佐作祠記稱其以生意論仁以實理論誠
以嘗惺惺論敬以求是論窮理命意皆精當又稱
其以窮理居敬為入德之門得明道教人綱領蓋
其學純疵參半故朱子尚有取於此書云

袁氏世範三卷

宋表采撰原本說科今以永樂大典校正其書分睦親處已治家三門意求通俗故字句不免於近俚然明白切要使人易知易從即為有補於世道與文章固各為一事也

延平答問一卷附錄一卷

延平答問宋朱熹撰皆記與李侗往來論學之語而以侗與劉平甫二書附之延平者侗所居也其附錄則朱子門人取朱子論侗之語及祭文行狀併載焉

近思錄十四卷

宋朱熹呂祖謙同撰或惟題朱子者謬也書成於淳熙二年取周子程子張子之言擇其切要者得六百二十二條分十四門淳祐十二年集采為之集解始表進於朝

近思錄集註十四卷

國朝茅星來撰星來病葉朱近思錄集解粗率膚淺又多訛舛因叅校諸本凡近刻竄亂者悉以朱子考定錯簡之例註於條下又雜採諸說疏通其義於名物訓詁頗詳其後序謂馬鄭賈孔之學如百貨所聚周程張朱之學如權衡百貨之輕重亦公論也

近思錄集註十四卷

國朝江永撰因明周公恕所刻近思錄妄加分析增立子目或移置其篇章或佚脫其字句多誤後人因註原本以正之凡朱子文集語錄有相發明者皆為採入朱子說有未備者乃取葉采諸家之注或以已意疏證之

雜學辨一卷附記疑一卷

宋朱熹撰蓋為諸儒之說雜於二氏者而作所駁凡蘇軾易傳蘇轍老子解張九成中庸解呂希哲大學解四書皆摘錄原文駁正於下記疑一卷則辨程氏門人所記語錄也

謹案講學家專著一書以相攻駁者始於是編然猶為辨所當辨故錄之以誌發源其末學沿流徒釀朋黨之局者則槩不錄焉謹發其凡於此

小學集註六卷

舊本題宋朱熹編以朱子集中癸卯與劉子澄書考之實子澄之所類次猶通鑑綱目出趙師淵手也初有文章一門後乃改定為內篇四外篇二其註為明陳選作隨文衍義頗為淺近蓋為課蒙之

計不得不詞取通俗爾

謹案文獻通考以此書入經部小學類然漢書藝文志小學類中皆訓詁文字之書而弟子職乃附孝經沿及諸史無以幼儀入小學者今考是書所錄皆養正之功立教之本入之儒家於古義為允焉

朱子語類一百四十卷

宋蔡靖德編朱子沒後輯門人分記之語者有池錄饒錄饒後錄建錄其類編為書者則有蜀本薇本後翻刻不一訛舛日增靖德裒集諸刻刪除重複一千一百五十一條釐為二十六目頗清整易觀然前後異同之處則未能考定也

戒子通錄八卷

宋劉清之撰原本久佚今從永樂大典錄出其書
博采羣籍凡有闕處訓者皆錄其大要毋訓闡教
亦備述焉不免冗繁而要為詳盡

知言六卷附錄一卷

宋胡宏撰刊本竄亂失真今從永樂大典校定宏
論性近於禪論治泥於古皆不可訓然大致明白
醇正不以小疵廢之附錄一卷則朱子辨正是書
之語也

明本釋三卷

宋劉荀撰原本久佚今從永樂大典錄出大旨謂
為學當求其本因舉其切要者三十三條各著論
以明之其曰釋者荀自為之註也

少儀外傳二卷

宋呂祖謙撰原本佚今從永樂大典錄出其書為課幼而設故取禮記少儀為名中間雜引嘉言懿行兼及於立身行己應世居官之道不與禮記經義相比附故名曰外傳

麗澤論說集錄十卷

宋呂喬年編喬年為呂祖謙之姪呂祖儉之子祖謙沒後祖儉蒐輯其門人記錄之語喬年因排次為此書凡經說七卷史說二卷雜說一卷

曾子一卷

宋汪暉編漢志載曾子十八篇隋志唐志皆作二卷高似孫子畧陳振孫書錄解題皆載有曾子是

宋時尚有傳本。晁蓋以其未備而重輯之。凡十二篇。其強立篇名。頗為杜撰。然宋代舊本已佚。存之尚見曾子之產畧也。

子思子一卷

宋汪暉編。晁公武讀書志載有子思子七卷。晁此本乃止一卷。而分為九篇。其割裂古經強立篇名。與所輯曾子相等。亦以舊本久亡存之耳。

通言十二卷

宋劉炎撰。凡十二篇。其言醇正。篤實而切近事理。無迂僻不情之論。如謂井田封建必不可復。謂黨錮之禍由於自取。謂學二程而不至者不能無偏。皆講學家所諱不肯言者也。

木鐘集十一卷

宋陳埴撰其書以集為名實則所作語錄凡經說九卷近思雜問一卷史論一卷其體例皆先設問而後答之故取禮記善問者如攻堅木善待問者如撞鐘之義名木鐘集云

經濟文衡前集二十五卷後集二十五卷續集二十二卷

舊本題宋滕珙編或又題明馬季機編未之詳也其書取朱子文集語錄分類編次前集皆論學後集皆論古續集則補前二集之遺每一論必先著緣起後標立論之意頗有條理但門目太碎是其一失耳

大學衍義四十三卷

宋真德秀撰因大學之義而數演之首以為治之要為學之本二篇次分四大綱曰格物致知曰誠意正心曰修身曰齊家分子目四十有四皆援引經訓旁徵史事叅以先儒之論以明法戒大旨在正本清源故治平之道置而弗及焉

西山讀書記六十一卷

宋真德秀撰原本分甲乙丙丁四集今惟存甲集三十七卷皆論天人理氣之與乙集三十二卷論虞夏以來名臣事迹畧仿編年之體前有綱目一篇稱止於五代而書止於唐李德裕蓋未完也丁集二卷皆論出處之義

心經一卷

宋真德秀撰集聖賢論心格言而以諸儒議論為之註大旨以正心為本非慈湖之學以心之精神為聖也

政經一卷

舊本題宋真德秀撰採經典論政之言為經而雜引事迹為之傳末載當時近事六條謂之附錄又以德秀歷官公牘告諭附之考陳氏書錄解題有心經而無此書疑或依託然其言有取真贗亦無庸深詰焉

項氏家說十卷附錄二卷

宋項安世撰原本久佚今從永樂大典錄出蓋其讀書劄記也凡說經篇七卷說事篇說政篇說學

篇各一卷附錄二卷一為孝經說一為中庸臆說
原本所附尚有詩篇次一卷邱乘圖一卷今則佚
矣

先聖大訓六卷

宋楊簡撰蒐輯孔子遺言排纂為五十五篇而各
為之註簡出陸九淵之門故所註多牽合聖言抒
發心學然秦漢以來百家詭誕之談往往依託孔
子簡能刊削偽妄歸於純正異同舛互亦多所釐
訂其蒐羅澄汰之功亦未可沒焉

黃氏日鈔九十五卷

宋黃震撰原本九十七卷今佚其二卷自一卷至
六十八卷皆讀經史子集而摘其精要論其得失

六十九卷以下則震之雜文也其學以朱子為宗然震學朱子一如朱子之學程子雖篤信謹守而補缺訂誤亦未嘗字字附和與宋末之依草附木者區以別焉

北溪字義二卷

宋陳淳撰以四書字義分二十六門每拈一字詳論原委旁通曲證頗有所發明

準齋雜說二卷

宋吳如愚撰原本以佚今從永樂大典錄出如愚早耽禪說既乃反於篤實其解大學格物為王守仁傳習錄所祖似風見未能盡滌然如天理人欲之辨三畏四力之論亦未嘗不發揮深至

性理羣書句解二十三卷

宋熊節編熊剛大註其書皆錄周子二程子邵子張子朱子及司馬光之文而楊時羅仲素范浚呂大臨蔡元定黃幹張栻胡宏真德秀亦間及焉明永樂中修性理大全其文多採諸此其性理之名亦似沿此書也

東宮備覽六卷

宋陳謨撰取經史舊文有關於訓儲者彙為一編凡二十篇條分縷晰頗為詳悉其加意者尤在擇妃嬪簡宮僚謹游習三篇

孔子集語二卷

宋薛據編集諸書所載孔子之語挂漏蕪雜皆所不免不及楊簡書之有條理而秦漢古書殘章斷

句亦或類以考見故並存焉

朱子讀書法四卷

宋張洪齊庶同編原本久佚今從永樂大典錄出
蓋因慶源輔氏原本及鄱陽王氏所續編重為補
訂皆以語錄文集分門編次於朱子一家之學亦
可謂究心矣

家山圖書一卷

是書自永樂大典錄出原本題曰朱子撰然中引
文公家禮其不從朱子審矣錢曾讀書敏求記載
有此名而所說與此書頗不相合蓋諸儒互有增
損非一本也其書先圖後說根據禮經自入學以
至成人依類標題極有根據雖不出自朱子要必
有所受之也

讀書分年日程三卷

元程端禮撰亦因輔廣所輯朱子讀書法而修之以原目六條為綱而分立其課程元史儒學傳稱端禮有讀書工程國子監嘗以頒郡縣即此書也

辨惑編四卷附錄一卷

元謝應芳撰因民俗信鬼神多拘忌往往違禮而戾教乃引古人事迹及先儒論說條析而辨之以糾正其失凡十五類又附錄書及雜著八篇言雖淺近然申明禮教闡邪說以正民風是不愧儒者矣故進而列之儒家焉

治世龜鑑一卷

元蘇天爵撰乃天爵再任浙江行省叅知政事時作凡六目一曰治體二曰用人三曰守令四曰愛民五曰為政六曰止盜所採皆宋以前善政嘉言而大旨歸於培養元氣

管窺外篇二卷

元史伯璿撰伯璿嘗作四書管窺此書又條記友朋答問之語以闡發其餘義故謂之外篇然皆辨證之文不主於箋釋經義實則伯璿之語錄耳其謹守閩學如胡炳文陳櫟而多見古書則非二人所及也

內訓一卷

明仁孝文皇后撰或以為高皇后撰者誤也凡二十篇詞意皆明白醇正各章之下各有附註皆儒

臣頌揚之詞不著名氏不知誰所為矣

理學頌編八卷

明張九韶撰初名格物編吳當為易此名分天地
天文地理鬼神人物性命異端七類以周程張邵
朱六家之言為主而以荀卿以下五十三家之言
輔之每類之末附以已見採擷精要具有條理

性理大全書七十卷

明永樂十三年胡廣等奉勅撰所採宋儒之說凡
一百二十家其中擷錄原書自為部帙者九種据
拾羣言分門編纂者十三類大抵蕪雜割裂襍積
成書非能於道學源流真有鑒別經我

聖

祖仁

皇帝特詔儒臣刑為性理精義所遺者皆糟粕矣
以後來言性理者皆出於是書將舉其末必有其

本故仍過而存之焉

讀書錄十卷續錄十二卷

明薛瑄撰明代醇儒以瑄為首是二錄皆躬行心得之言無一詬爭門戶語也

大學衍義補一百六十卷

明邱濬撰真德秀大學衍義止於格致誠正修齊未及治平之事濬因作此書以補之分十二目博採羣言而附以己見書雖蕪雜而要不失為典瞻蓋濬人雖忤而學則博也

居業錄八卷

明胡居仁撰乃其所著語錄分十二類居仁與陳獻章俱出吳與弼之門獻章出處頗與其師相類

持論亦涉元虛居仁則人品學問皆謹嚴篤實為青出於藍焉

楓山語錄一卷

明章懋撰凡分四類曰學術政治藝文人物而附以拾遺卷帙不多而言皆切實近理其謂陳獻章近禪謂胡居仁不適于用皆公論也

東溪日談錄十八卷

明周琦撰凡分十三類其學出於河津一本漁洛之說蓋薛氏之學雖或失之拘謹而行矩言規不敢恣為高論故數傳之後尚有典型

困知記二卷續記二卷附錄一卷

明羅欽順撰前記成於嘉靖戊子續記成於辛卯附錄則與人論學書六篇欽順之學初從禪入晚乃折而歸儒故於禪學利病纖悉皆知能抉摘其要害非漫無所見徒博聞佛之名者也

讀書劄記八卷

明徐問撰乃其與門人問答劄記成書其論學一本浴閩深不取姚江之說然但平心論理無一語指名攻擊不似陳建諸人跳踉狂詈亦不似張烈諸人鍛鍊深文也

士翼四卷

明崔銑撰前三卷曰述言皆其語錄後一卷曰說象則易解也銑學問切實而持論明暢如云講理至宋人而精然而滋蔓講學至宋人而切然而即空又云漢唐之小人易見宋之小人難知漢唐之

君子可信宋之君子當考皆爭門戶者所斷不肯言也

涇野子內篇二十七卷

明呂柟撰凡語錄十一種其學出薛敬之而敬之學出薛瑄故持論與王守仁異趣大旨在格物以窮理先知而後行頗為近裏著已

周子抄釋三卷

明呂柟撰一卷為周子太極圖說通書二卷為遺詩遺文三卷為傳誌之屬每條之下柟各釋以一語頗為簡要

張子抄釋六卷

明呂柟撰張子遺書在四子中最殘缺柟之所見亦與今本相同於正蒙隱奧之處標舉頗明

二程子鈔釋十卷

明呂柟撰皆依二程遺書原第摘鈔仍留其某某所記之註朱子編遺書時深病其真偽糅雜柟所別擇頗為不苟

朱子抄釋二卷

明呂柟撰宋四子中惟朱子著述最繁柟所鈔乃獨最簡然采擷要語爬疏微義已足見紫陽門徑

中庸衍義十七卷

明夏良勝撰仿大學衍義體例以中庸之義推廣演繹於崇神仙好符瑞改祖制諸條尤反覆致意

蓋書作于嘉靖中也

格物通一百卷

明湛若水撰體例亦仿大學衍義而以致知併於格物以格物統誠意正心修身齊家治國平天下各分綱目引證祖訓而參以諸儒之說大致與邱濬書相近惟濬多徵往事此多引前言

世緯一卷

明袁袞撰凡二十篇其言皆指陳夔俗反覆闡明雖詞氣或不免太激然賈誼新書王符潜夫論從古列諸儒家也

呻吟語摘二卷

明呂坤撰初本四卷此本乃坤手自刊削勒為二卷故名曰摘蓋晚年定本也其講學不語精微不談高遠惟以躬行實踐為本在明季最為醇正

聖學宗要一卷學言三卷

明劉宗周撰其聖學宗要合周張程朱與王守仁之說各為之訓解學言三卷則其語錄也其學雖出姚江而以慎獨為宗能歸於誠敬故與王學未派混漾自恣者異云

人譜一卷人譜類記二卷

明劉宗周撰姚江之學多言心故宗周救之以實踐人譜首列人極圖說次紀過格次改過格類記明集古來嘉言善行分為五篇詞多淺顯蓋為中人以下立教也

榕壇問業十八卷

明黃道周撰前十六卷為道周里居講學之作十七卷為追答友人問難之書十八卷則蔣德璟所問而道周授意於門人答之者也其言出入經典博綜事物不但為性命空談

溫氏母訓一卷

明溫璜述其母陸氏之訓也璜抗節孤城闔門就義得於母教者為多錄之儒家示進之也

聖諭廣訓一卷

聖祖仁皇帝

親製聖諭十六條頒示天下雍正二年

世宗憲皇帝闡釋

覺世牖民之意演為廣訓萬言列在學宮使共相講肄迄

今朔望宣讀無不油然而感動蓋周詳剴切所以入人者深也

庭訓格言一卷

雍正八年

世宗憲皇帝御纂凡二百四十有六則蓋

至孝承

顏獨蒙

眷顧故

宮廷問視之餘

訓示周詳心法治法同符典誥
嗣服之後爰追錄以成此編云

御製日知薈說四卷

乾隆元年

皇上取舊製各體文

子部

儒家類

二十一

親為刪擇勒成一編凡二百六十則一卷論帝王治化之要二卷論天人性命之旨三卷論禮樂法度之用四卷論古今行事之迹內聖外王同條共貫允足方軌乎六經垂模乎百代

御定資政要覽三卷後序一卷

順治十二年奉

世祖章皇帝御定凡三十篇篇各標目以大書闡其理以分註核其事凡奉天出治之源本身加民之道一稗經籍之菁華發聖賢之蘊奧萬萬世立綱陳紀奉茲一編而有餘矣

御定內則衍義十六卷

順治十三年

世祖章皇帝御定仿真德秀大學衍義之例分八大綱

三十二子目前有

御撰恭進

皇太后表文仰見
任姒穡音行為二南之化以本治治天下淵源有自來也

御定孝經衍義一百卷

康熙二十一年侍郎張英等奉

勅撰亦仿真德秀大學衍義之例分八大綱五十六子目

凡徵事考言皆引經據典其諸子襟書惟據為旁
證不入正條義例謹嚴而包羅宏富推闡孝德曲
免無遺

御纂性理精義十二卷

康熙五十六年大學士李光地奉

勅撰明永樂中胡廣等撰性理大全蕪襟無緒後未節本

亦皆持擇未精因

持命光地刪繁舉要勒為此編卷帙僅及原書七分之一而條理精密義蘊已包括無遺矣

御纂朱子全書六十六卷

康熙五十二年大學士李光地等奉

勅撰

宋儒文集語錄惟朱子卷帙最繁其中或未定之說

後先互異或門人記述彼此迥殊學者各據一端彌滋聚訟是編分類排緝釐為一十九門存真削偽去駁留醇使朱子一家之言有倫有要視黎靖德等所錄實為既博且精

御定執中成憲八卷

雍正六年奉

勅撰前四卷載帝堯以來至明孝宗嘉言善政後四卷為

名臣奏議先儒論說凡有資于治法者蒐精取要
靡不賅載與

御撰資政要覽心源符契均為馭世之大經

御覽經史講義三十一卷

勅編乾隆十四年大學士蔣溥等奉

詔翰詹科道輪奏經史講義蓋仿宋代進御故事之體
日積月稗篇軼漸繁因

命簡其近理者編為此帙仰見
聖德謙沖適言必察如海嶽之不捐塵露也

思辨錄軼要三十五卷

國朝陸世儀撰原本卷帙繁重張伯行刪削其文分
十四門編次故名曰輯要其學主於敦守禮法諄

明實用能盡滌明季猖狂之習

正學隅見述一卷

國朝王宏撰朱子無極之辨陸九淵攻之於前格物之說王守仁軋之於後諸儒各爭門戶垂數百年宏撰謂無極之說當以陸九淵為是格物之說當以朱子為是因作此書以持其平

雙橋隨筆十二卷

國朝周台撰自序稱集中大意在信道而不信邪事人而不事鬼言理而不言數崇實而不崇虛足以見其所學惟詞氣多傷激烈未免所養未粹耳

榕村語錄三十卷

國朝李光地撰光地雖留意講學而研究經典多所獨得是編為其門人徐用錫及其孫清植所編凡說經者十七卷論諸子諸儒者三卷論史者一卷論歷代者一卷論史者二卷論性理者二卷論治道者二卷論詩文韻學者二卷大旨皆有本之言

讀朱隨筆四卷

國朝陸隴其撰乃其讀朱子文集隨筆劄記於正集二十九卷以前詩賦劄子人所共知者不復置論二十卷以後至別集五卷則摘其精要各加案語以申明之

三魚堂臚言十二卷

國朝陸隴其撰皆平時劄記其甥金山陳濟排比成帙凡說五經者四卷說四書性理者二卷說諸儒

得失者二卷 說子史及襟事者四卷

松陽抄存二卷

國朝陸隴其撰蓋其官靈壽知縣時取所撰問學錄日記二書抄撮精要裒為此編張伯行嘗為刊行而汰除過半多失隴其之意此本乃乾隆辛未金山揚開基以原本重編者也

讀書偶記三卷

國朝雷鉉撰是編大旨以朱子為宗而能不爭競門戶其中論易多本李光地論禮多本方苞蓋一其鄉前輩一其受業師也

右儒家類一百十二部一千六百九十二卷

謹案非十二子見荀卿書是儒術構爭之始
矣自宋及明角立分朋格鬪而不休者四五
百年故王圻續文獻通考於儒家諸書各以
學派分之以示區別然儒者之患莫大於門
戶圻仍以門戶限之是率天下以植黨也於
學問何有焉今所甄錄但以時代先後為次
不復分析宗派要求其不失孔孟之旨而已
各尊一別子為祖而置大宗於不問是惡識
學問之本原哉

子部二

兵家類

握奇經一卷

舊本題風后撰漢公孫宏解晉馬隆述讚漢志隋志唐志皆不載宋志始著錄詳考其文蓋因唐獨孤及八陣圖記而依托為之然其言具有條理流傳四五百年為談兵者所祖今亦仍錄之冠首焉

六韜六卷

舊本題周呂望撰其文義不類三代蓋因莊子金版六莖之語而附會成書然陸德明莊子釋文謂太公六韜文武虎豹龍犬也則其偽在陳隋以前矣

孫子一卷

周孫武撰史記孫子列傳載武之書十三篇是也兵家書之傳於今者惟此本為最古

吳子一卷

周吳起撰隋志唐志皆作一卷與今本同惟晁氏
讀書志作三卷然六篇之目則與今本合亦真古
書也

司馬法一卷

舊本題齊司馬穰苴撰證以史記蓋齊威王諸臣
集古兵法為之而附穰苴於其中非穰苴作也其
時去古未遠三代遺規往往於此書見之

尉繚子五卷

周尉繚撰漢志兵家有尉繚三十一篇今本二十
四篇不知即漢志所載否然其言多近於正與戰
國權謀頗殊故橫渠張子亦嘗註之

三畧三卷

舊本題黃石公撰云即圮上以授張良者然其文不類秦漢間書漢光武帝詔雖嘗引之安知非反撫詔中所引二語以證實其書謂之北宋以前舊本則可矣

三畧直解三卷

明劉寅撰詮釋頗為明暢其以此書為真出太公所作則非也

素書一卷

舊本題黃石公撰張商英註實則商英所偽托以書中所言頗有合於以柔制剛以退為進之理故今尚傳焉

李衛公問對三卷

舊本題唐李靖撰陳師道何遜邵博皆以為阮逸所託然其指畫攻守變易主客於兵家微意時有所得故鄭瑗井觀瑣言謂其書雖偽亦出於有學識謀畧者之手也

太白陰經八卷

唐李筌撰於行軍制勝之術指畫甚詳杜佑通典採用其說頗多

武經總要四十卷

宋曾公亮等奉勅撰凡前後二集前集制度十五卷邊防五卷後集故事十五卷占候五卷戰陣之事非宋人所長故所言陣法戰具制彌詳而拘牽彌甚邊防五卷亦多得諸傳聞然前集備一朝之

規制後集具歷代之得失錄之亦足資考核神而明之存乎其人焉耳

虎鈴經二十卷

宋許洞撰其書指陳兵法上至占候陰陽下至醫療人馬一一詳備大抵彙輯舊文參以己意惟第九卷飛鸞長虹重覆八卦四陣及飛轅寨圖為洞自創之新法

何博士備論一卷

宋何去非撰凡二十八篇今佚二篇皆論兵之語元祐中蘇軾嘗為奏進於朝薦為館職不果卷首載軾薦狀二篇所以誌是書之緣起也

守城錄四卷

是書凡分三種首為靖康朝野僉言後序宋陳規撰因金人攻汴之具而追論捍敵之法次為守城機要亦規所撰皆論備禦之術次日建炎德安守禦錄則紹熙中瀏陽湯瑋追錄規守城軼事也

武編十卷

明唐順之撰凡前後二集前集縷陳戰法分五十門後集徵述古事凡九十七門體例畧似武經總要然順之身經行陣較曾公亮等多閱歷之言

陣紀四卷

明何良臣撰皆述練兵之法凡分二十三類共六十六篇大抵以平時選練為本而預籌其應變之術

江南經畧八卷

明鄭若曾撰為江南倭患而作兼及防禦土寇之事於山川形勢攻守機宜及善後諸策言之最詳蓋若曾嘗入胡宗憲幕參贊軍政也

紀效新書十八卷

明戚繼光撰乃其官浙江叅將時練兵備倭之作首為或問一篇解釋疑阻次分十八篇每篇各有圖說其詞率如口語不加文飾取其易於諭衆也

練兵實紀九卷雜集六卷

明戚繼光撰乃隆慶二年繼光總理薊州昌平保定三鎮時講求練兵之術而作凡練法六篇其襟

集五篇則軍中條議法制也

右兵家類十九部一百五十二卷



